

四庫全書

子部

欽定四庫全書

子部

薛氏醫案卷二十八

詳校官太醫院八品吏目臣黃棧

編修臣倉聖脈覆勘

總校官原任中允臣王燕緒

校對官助教臣卜維吉

謄錄監生臣金特

欽定四庫全書

薛氏醫案卷二十八

明薛己訂

婦人良方

婦人血風肢體骨節疼痛方論第一

婦人血風由氣血不足腠理不密風冷乘之以致邪正相搏故骨節疼痛肢體發熱口舌咽乾

愚按東垣先生云飲食失節脾胃虛弱乃血所生病

故口中津液不行若火熱來乘土位故肢體發熱作
渴若肝經血熱用四物羌活黃芩黃柏肝經血虛用
逍遙散山梔川芎風濕兼痰用四物南星半夏羌活
蒼朮風濕傷脾用羌活勝濕湯暑濕傷氣用清燥湯
氣鬱肝脾用四君木香枳殼檳榔胃氣受傷用補中
益氣湯瘀血流注用四物桃仁紅花骨痛筋攣用當
歸沒藥丸倦怠無力用補中益氣羌活川芎

附治驗

一婦人自汗盜汗發熱晡熱體倦少食月經不調吐痰甚多二年後遍身作痛陰雨益甚此氣虛而風寒所乘用小續命湯疼痛頓止用補中益氣加味歸脾三十餘劑諸症悉愈

一婦人月經不調且素有痛風遇勞必作用象手重按痛稍止此氣血俱虛用十全大補加獨活而痛痊六味九道遙散而經調

一婦人肢體作痛面色痿黃時或赤白發熱惡寒吐

瀉食少腹痛脇脹月經不時或如崩漏或痰盛喘嗽
頭目眩痛或五心煩熱口渴飲湯或健忘驚悸盜汗
無寐等症卧床年許悉屬肝脾虧損氣血不足所致
用十全大補加味歸脾兼服月餘諸症悉痊

芎藭散

川芎

錢一

赤茯苓

赤芍藥

酸棗仁

炒桂心

當

歸

酒洗

木香

牛膝

酒洗

羌活

枳殼

炒

甘草

各三分

右水煎服

羚羊角散 治血風身體疼痛手足無力

羚羊角 鎊 酸棗仁 炒 生地黃 檳榔 各一兩 五加皮

防風 赤芍藥 當歸 酒洗 骨碎補 炒 海桐皮

川芎 各五錢 甘草 三錢

右為末每服二錢溫酒調下

通靈丸 治血風手足疼痛不可忍者

白附子 一兩 全蝎 半兩 麝香 一字 殭蠶 一兩 炒 去絲

右為末煉蜜丸桐子大每服十九丸溫酒下日三服

當歸沒藥丸 治風血肢體刺痛筋攣骨痺或手足麻

木

當歸

五靈脂

各一兩炒

沒藥

半兩

右為末醋糊丸桐子大每服三十九薑湯下

虎骨散 治血風走痛或打撲作痛

虎骨

酥炙

敗龜板

酥炙

當歸

酒洗

桂心

牛膝

酒洗

漏蘆

地龍

去土

歲靈仙

玄胡索

炒

自然銅

製等分

右為末每服二錢熱酒調下

附方

羌活勝濕湯 治頭痛脊痛腰似折項似拔

羌活 獨活 各一錢 藁本 防風 甘草 炙各五分 蔓荊

子 川芎 各五分

右水煎服如身重腰沈沈然是濕熱也加黃栢一錢
附子五分蒼朮二錢

東垣清燥湯 方見後

四物湯

補中益氣湯

四君子湯

三方見二十四卷第六論

小續命湯

方見十九卷第八論

逍遙散

加味歸脾湯

十全大補湯

三方見二十四卷第四論

六味丸

方見二十四卷第十一論

婦人血風白虎歷節走疰方論第二

婦人血風白虎歷節由體虛風邪乘之隨血而行或淫
溢皮膚或卒然掣痛走疰如虎嚙者加減小續命湯主
之

愚按東垣云若人身體沈重走疰疼痛此濕熱相搏
或風熱鬱而不得伸附著於有形也是症多因飲食
起居失節或因七情勞役失宜脾胃虧損腠理不密
外邪所侵以致內熱晡熱自汗盜汗或經候不調飲
食不甘治法濕熱腫痛者清燥湯兼痰佐以二陳湯

肝火作痛者加味逍遙散脾鬱作痛者加味歸脾湯
血虛作痛者四物湯氣虛作痛者四君子湯氣血俱
虛者八珍湯俱加羌活川芎月經先期而痛者加味
逍遙散頭眩倦怠而痛者補中益氣湯大抵按之痛
甚者病氣實按之痛緩者元氣虛勞後而痛者亦元
氣虛也飲食失宜而痛者脾氣虛也惱怒而痛者肝
火盛也若晝輕而夜重者血分病也

與前
兼用

附治驗

一婦人歷節發熱作渴飲食少思月經過期其脉舉之洪大按之微細用附子八物四劑而痛止用加味逍遙而元氣復用六味丸而月經調

一婦人體肥胖素有熱月經先期患痛風下體微腫痛甚則小便頻數身重脉緩此風濕血虛而有熱用羌活勝濕湯二劑腫痛漸愈用清燥湯數劑小便漸清用加味逍遙散內熱漸愈又為飲食停滯發熱仍痛面目浮腫用六君加柴胡升麻而愈又因怒氣小

腹痛悶寒熱嘔吐用前藥加山梔木香而安惟小腹
下墜似欲去後此脾氣下陷用補中益氣而愈後因
勞役怒氣作嘔吐痰遍身腫痛經行寒熱此肝木侮
脾土用六君加柴胡山梔腫痛嘔吐悉退後用補中
益氣而安

一婦人飲食少思畏風寒患痛風嘔吐寒熱脉弦緊
用附子八物而四肢痛愈用獨活寄生而腰痛漸痊
惟兩膝腫痛用大防風湯而痛漸愈用歸脾逍遙而

元氣復

漏蘆散 治走症疼痛

漏蘆

當歸

酒洗

牛膝

各三錢

桂心

地龍

去土防風

羌活

白芷

甜瓜子

沒藥

各半兩

虎脛骨

敗

龜板

各酥炙一兩

右為末每服二錢熱酒調下

四生丸 治骨節作痛或渾身麻痺

白殭蠶

炒去絲

地龍

去土

白附子

五靈脂

草烏

去皮

失各
等分

右為末米糊丸桐子大每服二十九茶清送下酒調

服亦可

麝香丸 治歷節諸風走痛或如蟲行

大川烏

三箇去皮
失生用

全蝎

二十箇
黑豆

二十粒
地龍
去土
五錢

麝香

一字

右為末米糊丸菘豆大每服十九溫酒下○許學士
云予得此方凡歷節及不測疼痛一二服便瘥治一

貴婦遍身走痛夜如蟲嚙三服而愈

附子八物湯 治歷節痛如錐鍛

附子炮 乾薑炮 芍藥炒 茯苓 人參 甘草 桂

心各五分 白木一錢五分

右水煎服一方去桂用熟地黄二錢

獨活寄生湯方見後

小續命湯方見後 一婦人兩踝作痛上行膝髀肩肘痛如

錐鍛至夜尤劇六脉皆緊一劑而愈又鄧安人夏月

患此人迎脉虛此因暑而得用酒蒸黃連九一服亦安

附方

東垣清燥湯 治元氣虛濕熱乘之遍身痠軟或肺金受邪絕寒水生化之源腎無所養小便赤少大便不調腿腰痠軟或口乾作渴體重麻木頭目眩暈飲食少思或自汗盜汗肢體倦怠胸滿氣促

黃芪

一錢五分

黃連

炒

神麩

炒

五味子

九粒杵炒

猪苓

柴

胡 甘草

炙各二分

蒼朮

白朮

炒

麥門冬

去心

陳皮

炒

生地黃

澤瀉

各五分

白茯苓

人參

當歸

酒洗

升

麻

各三分

黃栢

酒拌一分

右水煎服

二陳湯

方見二十四卷第五論

八珍湯

加味逍遙散

加味歸脾湯

三方見二十四卷第四論

四物湯

四君子湯

六君子湯

補中益氣湯

四方見二十四卷第六論

六味丸

方見二十四卷第十一論

羌活勝濕湯

方見前

大防風湯

方見二十四卷第九論

婦人血風癰癩瘡疥方論第三

婦人瘙痒癰癬五心煩熱乃血風攻症用人參荆芥散
消風散逍遙散大抵因體虛風寒相搏赤屬血分而白
屬氣分也經云汗出見濕乃生痲痺凡人汗出不可露
卧沐浴使人身振寒熱致生風癰

愚按前症有身發疥瘡或如丹毒痒痛不常或膿血
淋漓發熱煩渴或頭目昏眩日晡益甚或寒熱發熱
月經不調皆肝經風熱血燥用加味逍遙散為主佐
以四君芎歸若忿怒身發疥瘡痛痒寒熱乃肝火血

燥用加味小柴胡湯氣血俱虛八珍加柴胡丹皮若
夜間發熱作渴譫語乃熱入血室用小柴胡加生地
血虛四物合小柴胡後用加味逍遙散調理若鬱結
食少體倦內熱晡熱乃脾經血燥用加味歸脾湯寒
熱加山梔熟地若遊走瘙癢乃血風走注用何首烏
散血虛逍遙散風熱消風散若專用風藥復傷陰血
必致筋攣等症

附治驗

一婦人身發疙瘩或如丹毒痒痛不常搔碎成瘡膿水淋漓發熱煩渴頭目眩暈日晡益甚此血虛內熱之症以當歸飲加柴胡山梔治之而愈

一婦人患前症肢體疼痛頭目不清自汗盜汗月水不調肚腹作痛食少倦怠先用人參荆芥散後用逍遙散治之而痊

一婦人因忿怒身發疙瘩憎寒發熱余謂肝火用小柴胡湯加山梔黃連治之而愈後口苦脇痛小便淋

瀝復用前藥全愈

一婦人患前症發熱夜間譫語此血分有熱以小柴胡湯加生地治之而安後用四物湯加柴胡山梔丹皮而熱退又用逍遙散全愈

一室女十四歲天癸未至身發赤斑痒痛左關脉弦數此因肝火血熱以小柴胡湯加山梔生地丹皮治之而愈若因怒而致者亦宜治以前藥

治驗餘見二十四卷血風

門

何首烏散 治皮膚瘙癢遊走無定

何首烏 防風 白蒺藜炒 枳殼炒 天麻 殭蠶

胡麻炒 羌蔚子 蔓荊子 茵陳五分

右水煎服

附方

四物湯

四君子湯 二方見二十四卷第六論

加味小柴胡湯

小柴胡湯

二方見二十四卷第二論

八珍湯

加味歸脾湯

加味道遙散

逍遙散

四方見二十四卷第四論

消風散

方見二十四卷第七論

當歸飲

方見二十四卷第六論

人參荊芥散

方見五卷第三論

婦人虛風頭目眩暈方論第四

婦人頭眩由氣虛風入於腦循脉引於目系目系急而然也邪甚則必癩素問云頭痛癩疾下虛上實過在足少陰巨陽甚則入腎徇蒙招搖目瞑耳聾下實上虛過在足少陰厥陰甚則在肝下虛者腎虛也故腎厥則頭痛上虛者肝虛也故肝虛則暈徇蒙者如以物蒙其首招搖不定目眩耳聾皆暈之狀故肝厥頭痛不同也

愚按丹溪先生云眩者言其黑運旋轉其狀目閉眼

暗身轉耳聾如立舟船之上起則欲倒蓋虛極乘寒
得之亦不可一途而取軌也若風則有汗寒則掣痛
暑則熱悶濕則重滯此四氣乘虛而眩暈也若鬱結
生痰而眩暈者此七情虛火上逆也若淫慾過度而
眩暈者此腎虛氣不歸源也若吐衄漏崩而眩暈者
此肝虛不能攝血也有早起眩暈須臾自定者元氣
虛也正元飲下黑錫丹傷濕頭暈用腎著湯加川芎
有痰用青州白丸子頭風風熱也久則目昏偏頭風

相火也久則目緊便澁皆宜出血以開表之竊謂前
症肝虛頭暈用釣藤散腎虛頭暈六味丸頭暈吐痰
養正丹不應八味丸血虛四物參苓白朮不當歸
補血湯氣虛四君歸芪不應益氣湯肝木實瀉青丸
虛用地黃丸不應川芎散脾氣虛二陳參朮柴胡升
麻不應益氣湯加茯苓半夏脾胃有痰半夏白朮天
麻湯風痰上壅四神散發熱惡寒八物湯七情氣逆
四七湯傷濕而暈除濕湯

治驗

一婦人素頭暈不時而作月經遲而少此中氣虛弱不能上升而頭暈不能下化而經少用補中益氣湯而愈後因勞撲地月經如湧此勞傷火動用前湯加五味子一劑而愈前症雖云氣無所附實因脾氣虧損耳

一婦人內熱口乾勞則頭暈吐痰帶下詳見六卷第十六論

養正丹 治虛風頭眩吐涎不已蓋此藥升降陰陽補
接真氣非止頭眩而已

黑鉛 水銀 硫黃 硃砂 各一兩研

右用砂器鎔鉛下水銀攪勻離火少時入硫砂再攪
候冷為末飯丸菴豆大每服三十九空心食前棗湯
下

釣藤散 治肝厥頭暈

釣藤鈎 陳皮炒 半夏薑製 麥門冬 茯苓 茯神

去人參去木

蘆甘菊花

防風各一錢

甘草炙三分

石膏二錢

錢

右薑水煎

川芎散 治肝腎虛風頭目眩暈或頭痛耳鳴目系緊

急

小川芎 山藥 白茯苓 甘菊花野菊不用 人參各半

兩 山茱萸肉一兩

右為末每服二錢酒調日三服

三五七散 治八風五痺肢體不仁或風寒入腦頭痛

目旋耳內蟬鳴

附子炮 細辛各三兩 乾薑炮 山茱萸各五兩 防風 山

藥炒各七兩

右為末每服二錢溫酒調

四神散 治血風眩暈頭痛寒熱唾痰

菊花 當歸酒洗 旋覆花去梗 荆芥穗各一錢

右葱白三寸茶末一錢水煎

蒼耳散 治血風頭旋或不知人事用喝起草嫩心陰
乾為末酒服二錢其功甚効

治頭旋如天動地轉名曰心眩膽礬一兩細研用麩餅
劑一箇拌勻勒如骰子大瓦上焙乾每服一骰為末
燈心竹茹煎湯調下此去痰之法當審而用之

附方

正元飲 治下元虛敗痰氣上湧頭目眩暈臟肺滑泄
時或自汗手足逆冷霍亂轉筋等症

紅豆炒二錢 人參去蘆二兩 茯苓二兩 附子炮去皮尖一兩 甘草炙二

兩肉桂五錢 川芎 山藥薑汁炒 烏藥 乾葛各一兩 白

朮二兩 乾薑炮三錢 黃芪炙一兩五錢

右每服二錢薑棗水入鹽少許煎送黑錫丹

黑錫丹 治真陽氣敗痰氣壅塞心火炎熾或赤白帶

下等症

肉桂 沈香 附子炮去皮臍 葫蘆巴酒浸炒 破故紙炒

茴香炒 肉豆蔻麩裹煨 陽起石研水飛 金鈴子蒸去皮核

木香

各一兩

硫黃

黑錫

去灰各二兩

右將黑錫硫黃入銚內煉結砂子傾出地上去火毒
研細餘藥為末和勻再研至黑光色酒糊丸桐子大
陰乾入布袋擦令光潤每服四十九

腎著湯

方見十五卷第八論

青州白丸子

方見三卷第四論

六味丸

八味丸

二方見二十四卷第十一論

當歸補血湯

方見十九卷第六論

四物湯

四君子湯

補中益氣湯

三方見二十四卷第六論

二陳湯

方見二十四卷第五論

瀉青丸

方見二十四卷第三論

八物湯

方見二十四卷第四論

四七湯

方見十二卷第七論

除濕湯

即腎著湯
加川芎

半夏白朮天麻湯

方見四卷
第五論

婦人血風頭痛方論第五

許學士云婦人患頭風者十居其半每發必掉眩如在車船之上蓋因肝經血虛而風邪襲之爾用川芎當歸散若頭痛連齒時發時止連年不已此風中腦謂之厥逆頭痛宜白附子散及灸曲鬢穴在耳掩前正尖上灸七壯左痛灸左右痛灸右

愚按東垣云足太陽頭痛脉浮緊惡風寒川芎羌活
獨活麻黃為主手少陽經頭痛脉弦細往來寒熱柴
胡為主足陽明頭痛身熱目疼鼻乾惡寒發熱脉浮
緩而長升麻湯或石膏白芷為主手太陽頭疼有痰
體重或腹痛為痰癖脉沈緩蒼朮半夏南星為主足
少陰經頭痛足寒氣逆為寒厥脉沈細麻黃附子細
辛湯為主足厥陰頭項痛或吐涎沫厥冷脉浮緩吳
茱萸湯主之諸血虛頭痛當歸川芎為主諸氣虛頭

痛人參黃芪為主氣血俱虛頭痛調中益氣少加川芎蔓荆細辛痰厥頭痛半夏白朮天麻湯厥逆頭痛羌活附子湯如濕氣在頭者以苦吐之不可執方而治若脉雜亂而病見不一宜補胃為主

附治驗

一婦人因勞耳鳴頭痛體倦用補中益氣加麥門五味而痊三年後得子因飲食勞倦前症益甚月經不調晡熱內熱自汗盜汗用六味地黃丸補中益氣湯

頓愈經云頭痛耳鳴九竅不利腸胃之所生也故脾胃一虛耳目九竅皆為之病

一婦人兩眉稜痛後及太陽面青善怒此肝經風熱之症用選奇湯合逍遙散加山梔天麻黃芪半夏黃芩而愈此症失治多致傷目或兩耳出膿則危矣頭痛手掉身麻見一卷第五論

川芎當歸散

川芎

錢一當歸

酒

羌活

旋覆花

細辛

蔓荊子

防風 石膏煨 藿本 荆芥穗 半夏麩 生

地黃 甘草

炙各五分

右薑水煎

白附子散 治風邪風痰頭痛連齒不時舉發或連年

不愈

麻黃

不去根節 烏頭炮去皮

南星

炮各半兩

白附子

炮一兩

全蝎

炒五枚

辰砂

麝香

白薑

炮各一錢

右為末酒調服三分卧少時

川芎茶調散 治諸風上攻頭目昏重偏正頭痛

薄荷

兩 川芎

荆芥

兩 各四

羌活

白芷

防風

甘草

炙各二兩 細辛

一兩

右為末每服二錢食後茶清調

如聖餅子加細辛其效甚速若頭痛筋攣骨重少氣噦噫腹滿咳嗽煩寃其脉舉之則弦按之石堅由腎氣不足而逆上謂之腎厥頭痛宜玉真丸硫黃丸

硫黃丸 治頭風不問新久服此除根屢用屢效

硫黃二兩 硝石一兩

右為末滴水丸指頂大每服一九空心細嚼茶清下

一方用生菜腹汁仰卧注兩鼻數年之患一注即愈

一方治風邪犯腦患頭痛不可忍不問年歲

硝石 人中白 腦子等分

右為末用一字吹入鼻中

都梁丸 治產前產後風邪所傷頭痛頭暈方見後

附方

調中益氣湯 治氣血俱虛而頭痛

芍藥

三分升麻

二分黃芪

錢一甘草

五分五味子

七粒當歸

白朮

人參

各三分

柴胡

橘皮

各二分

右水煎

半夏白朮天麻湯

半夏

一錢五分

白朮

神麴

炒各一錢

天麻

黃芪

人參

蒼朮

陳皮

澤瀉

茯苓

各五分

乾薑

三分

大麥

藥

一錢五分黃栢

酒製二分

右每服半兩水煎

羌活附子湯

麻黃 黑附子炮 白芷 白殭蠶 黃栢各三分

活蒼木

各五分

防風

甘草 升麻

各五分

黃芪

五分

右水煎服

選奇湯 治風熱上壅眉稜骨痛或頭目眩暈

羌活

防風

各三分

甘草

二錢夏生冬炒

黃芩

酒製冬去之

右每服三錢水煎時時服

吳茱萸湯

升麻湯

麻黃附子細辛湯

三方見六卷第十二論

補中益氣湯

方見二十四卷第六論

六味九

方見二十四卷第十一論

逍遙散

方見二十四卷第十四論

頸項強痛方論第六

夫頸項屬足太陽膀胱足少陰腎二經相為表裏若感

風寒濕氣則發熱惡寒頸項強急腰背反張瘳瘳口噤
脉沈遲弦細新產血虛出汗多患此症若因寤睡失枕
而致用三五七散追風散若風邪所傷用都梁丸木瓜
煎

愚按東垣云肩背痛不可回顧此手太陽氣鬱而不
行以風藥散之竊謂前症若因肝木自旺用瀉青丸
精血不足六味丸風熱淫肝加味逍遙散怒動肝火
加味小柴胡湯肝經血虛加味四物湯腎不能生肝

六味丸膀胱氣滯羌活勝濕湯大抵肝火旺則肝血
虛而筋燥頸項強急或腰背反張或四肢拳攣或頸
項等處結核

附治驗

一婦人耳內或耳後項側作痛寒熱口苦月經不調
此肝膽經火兼傷脾胃用四君加柴胡升麻黃芪芍
藥而愈後因勞役怒氣嘔吐脇脹用六君子湯加山
梔柴胡而安

一婦人因怒寒熱作渴左目緊小頭顛動掉四肢抽搐遍身疼痛此血虛肝熱則生風也用加味逍遙加釣藤鈎數劑諸症漸愈又用八珍湯而痊

追風散 治風邪所乘頭目眩痛口眼歪斜牙關緊急或百節疼痛鼻塞聲重項背拘急皮膚瘙癢面若蟲行

川芎

防風

石膏

煨

川烏

炮去皮
臍尖

甘草

炙

荆芥

穗

白僵蠶

炒去絲
各一兩

天南星

羌活

地龍

去土

白

附子

炮

全蝎

去尾針

白芷

各半兩

草烏

炮去皮臍尖

沒藥

研

乳香

研雄黃

研各一錢

右為末每服五分用茶清少許食後臨卧調下

都梁丸

治諸風項背不利頭目眩暈腦門作痛或產

前產後傷風頭目昏重血風頭痛用白芷末蜜丸彈

子大每服一九細嚼荆芥煎湯下

木瓜煎

木瓜

不犯鐵器二箇取蓋去穢

沒藥

研

乳香

研

右以木瓜去核入二藥仍蓋合之飯上蒸爛研成膏
每服三匙生地黃汁半盞無灰酒和服有人患此自
午發至夜方止余曰此足少陰之症發必先從足起
蓋足少陰之筋自足大指起至頭筋者肝之合也日
中至夜天之陽陽中之陰又曰陽中之陰肺也自離
至兌陰旺陽弱之時故靈寶畢法云離至乾腎氣絕
而肝氣弱肝腎二臟受陰氣故發於是時予授此方
三服而愈

附方

瀉青丸

方見二十四
卷第三論

六味丸

方見二十四
卷第十一論

八珍湯

加味逍遙散

二方見二十
四卷第四論

加味小柴胡湯

方見二十四
卷第二論

加味四物湯

四君子湯

二方見二十
四卷第六論

羌活勝濕湯

方見前

婦人腰痛方論第七

夫腎主於腰若婦人腰痛由腎氣虛弱外感六氣內傷七情皆能致之如因風邪所乘用小續命湯加桃仁杜仲如因寒濕所傷五積散腎經虛弱青娥丸如因氣血凝滯用牽牛茴香之類

愚按陳無擇先生云若形體虛羸面色鵝黑腿足痿軟不能行立此失志所為也腹急脇脹目視眈眈宗

筋弛縱白淫下注此鬱結所為也肌肉不仁飲食不
化腸胃脹滿閉墜腰脇此憂思所為也皆屬內因若
腰冷作痛身重不渴小便自利飲食如故因勞汗出
腰悽脇痛或墜墮血滯或房勞精竭皆屬內外因也
竊謂前症夫志腎虛熱者六味九腎虛寒者八味九
鬱怒傷肝實用龍膽瀉肝湯虛用六味九補肝散憂
慮傷脾者歸脾湯逍遙散腎著者寒則朮附湯虛則
腎著湯腰膝痛者寄生湯養腎散瘀血滯者如神湯

舒筋湯房勞腰痛者青娥九十補丸

附治驗

一婦人腰痛三年矣每痛必面青頭暈目緊余以為肝脾氣虛用補肝散而愈三年後因勞役患頭痛兼惡心用補中益氣湯加茯苓半夏蔓荊子而愈

一婦人苦腰痛數年不愈余用白朮一味大劑服不三月而痊乃胃氣虛閉之症故用白朮也

如神湯 治男婦腰痛

延胡索 當歸 桂心等分

右為末每服二錢溫酒調甚者不過數服

獨活寄生湯 治足三陰虛風濕所侵脚膝歷節作痛

獨活 桑寄生 續斷酒炒 杜仲薑汁炒 細辛 牛膝

酒拌炒 秦朮 茯苓 白芍藥炒 桂心 川芎 防

風 人參 熟地黄自製 當歸酒拌 粉草炙各五分

右水煎

舒筋散 治風寒傷腎脊作痛或閃挫氣滯血瘀亦良

玄胡索炒

杜仲薑汁炒

官桂去皮

羌活

芍藥等分

右為末每服二錢酒調

又方橘核炒木香研酒下

附方

濟生木附湯

治寒濕傷腎腰重冷痛小便自利或手

足逆冷

附子炮

白木各一兩

杜仲

薑炒半兩

右每服四錢薑水煎

三因腎著湯 治腎虛為病身重腰冷如水洗狀不渴

而小便自利飲食如故腰以下冷痛如帶數千錢

茯苓

白朮

各四兩

乾薑

炮

甘草

炙各二兩

右每服四錢水煎空心服

青娥丸 治腎虛腰痛或外邪所侵腰腿或筋骨作痛

胡桃仁

二十枚

蒜

研膏四兩

破故紙

酒浸炒八兩

杜仲

去皮薑汁浸炒

一斤

右為末蒜膏丸桐子大每服五十九空心醋湯下蒜

不用亦可

六味丸

十補丸

八味丸

二方見二十四卷第十一論

龍膽瀉肝湯

方見二十四卷第八論

補肝散

方見七卷第十七論

歸脾湯

逍遙散

二方見二十四卷第四論

養腎散

方見後

婦人腰脚疼痛方論第八

腎主於腰脚女人胞絡係焉若勞傷腎氣風冷客於脉絡故腰脚作痛也治當補元氣為主佐以祛邪之劑

愚按前症若真陽衰敗寒邪乘襲手足俱冷頭痛惡寒或嘔吐腹痛等症宜用本方若氣血虛弱寒邪所感惡寒發熱頭痛作渴或嘔吐腹痛等症宜用五積散若元氣虛弱濕熱所傷兩脛腫痛寒熱身疼或嘔

吐不食等症宜用檳蘇敗毒散若脾胃虛弱元氣下陷寒熱嘔吐發熱頭痛喘渴體倦等症宜用補中益氣湯若足三陰精血虧損陰火內動內熱晡熱作渴痰甚小便頻數等症宜用六味地黄丸若足三陰陽氣虛敗惡寒發熱手足俱冷吐痰不食二便滑數等症宜用八味地黄丸

附治驗

一婦人先腰胯作痛後兩腿亦痛余以為足三陰虛

寒外邪所傷用小續命湯及獨活寄生湯或作或止
所用飲食極熱腹中方快余曰邪氣去而元氣虛寒
也診其脉果沈細用養腎散漸愈又用十補丸而痊
一婦人所患同前但發熱作渴喜冷飲食脉洪數按
之遲濇余以為血虛有熱用羚羊角散去檳榔加白
朮茯苓數劑更用加味逍遙散而痊

一婦人患前症時或腿膝作痛脉浮數按之遲緩此
元氣虛而風濕所乘用獨活寄生湯頓愈又用八珍

湯而安

一婦人因怒患前症寒熱往來口苦不食晡熱內熱
余以為肝火血虛先用小柴胡山梔頓愈又用加味
逍遙散而瘳

一婦人患前症寒熱頭痛殊類傷寒此寒邪之症用
檳蘇敗毒散而安又用補中益氣調補而愈

骨碎補散 治陽氣虛弱外寒所侵腰脚疼痛脇拘
急

骨碎補炒 草薺酒炒 牛膝酒炒 桃仁去皮 海桐皮 當

歸酒拌 桂心 檳榔各五分 赤芍藥炒 附子炮 川芎

枳殼楚炒各三分

右薑棗水煎

養腎散 治腎經虛弱風寒所侵以致腰脚疼痛不能

步履

蒼朮一兩 乾蝎三錢 天麻 草烏頭炮去皮 黑附子炮去皮

各二錢

右為末每服一錢酒調服麻痺少時隨愈孕婦勿服
此治風寒傷腎膀胱虛寒之良藥用之得宜殊有神
效

附方

五積散

方見後

檳蘇敗毒散

方見二十四卷第十論

補中益氣湯

方見二十四卷第六論

十補丸

六味丸

八味丸

三方見二十四
卷第十一論

小續命湯

方見
前

獨活寄生湯

方見
前

羚羊角散

方見
前

加味道遙散

八珍湯

二方見二十
四卷第四論

小柴胡湯

方見二十四
卷第二論

婦人風邪脚氣方論第九

婦人脚氣乃肝脾腎三經或胞絡氣虛為風毒所搏而患盖胞絡屬於腎主於腰脚三經絡脉起於足中指若風邪客於足從下而上動於氣故名脚氣皆由六淫七情或產後或經行風毒相搏其症或頭痛身熱肢節作痛或大便秘結小便不利或脚膝緩弱足脛腫滿或腰膝枯細忪悸嘔逆或小腹不仁舉體轉筋或胸滿氣急遍體酸痛用香蘇散加檳榔生薑若寒中三陽必冷用

小續命湯若暑中三陰必熱用小續命湯去附子大躁者紫雪最良無紫雪以自合薄荷煎冷水調服大便秘用脾約丸麻仁丸三和散補藥淋洗皆大禁也

愚按嚴用和先生云前症初患不覺因他病乃發先從脚起或緩弱痺痛不能行履或兩脛腫滿或足膝細小或心中怔忡或小腹不仁或舉體轉筋或見食作嘔或胸滿氣急遍體酸痛其脉浮而弦者因於風濡而弱者因於濕洪而數者因於熱遲而濇者因於寒

男子由於腎氣虧損女子血海虛弱七情所致竊謂
前症若足三陰虛弱用還少丹若脾氣虛寒用八味
丸若飲食停滯臀腿痠脹浮腫作痛此脾氣下陷用
六君子少加柴胡升麻不應須用八味丸若發熱口
渴月經不調兩腿無力此足三陰血虛火燥用六味
八味二丸兼服前症西方之人多患之因素食乳酪
脾胃壅滯脛足腫滿至於南方亦有因膏粱厚味濕
熱下注而患者故古人謂之壅疾所用之方多疏通

發散之劑然感於房勞過度虧損三陰治法又當以固本為主故六物附子為元氣虛弱寒邪內侵之聖藥所屬各經等方附後

附治驗

一婦人兩膝赤痛寒熱口苦嘔吐懶食面色青黃或赤此肝木乘脾土用小柴胡湯加山梔升麻茯苓二劑頓愈又用六君子湯加柴胡山梔全愈

一婦人飲食勞役兩膝兼腿疼痛或時寒熱余以為

脾虛濕熱下陷用補中益氣湯加山梔茯苓半夏治之而痊後復作用六君子湯加柴胡山梔全愈

一婦人經行後寒熱晡熱兩腿作痛此肝經血虛也用加味逍遙散加山梔治之而愈後因勞日晡內熱或用四物黃栢知母之類前症益甚更加食少作瀉余以為元氣下陷前藥復傷先用六君子湯加補骨脂二劑調補脾胃而瀉止食進又用補中益氣湯升舉元氣而愈

大腹皮散 治脚氣肢節煩疼心神壅悶或頭暈喘嗽
不食

大腹皮 紫蘇 荆芥 赤芍藥炒 青皮 木瓜

不犯鐵器 獨活 各五分 枳殼 麩炒一錢

右薑蔥水煎

半夏散 治脚氣上攻心腹脹滿飲食不下嘔吐不止

半夏薑製 陳皮 人參 大腹皮 桂心 各三分 檳榔

錢一 赤茯苓 紫蘇 各五分

右薑水煎

桑白皮飲 治兩脚浮腫小便赤澁腹脇脹滿或喘嗽

痰湧嘔吐不食

桑白皮

炒

郁李仁

去皮

赤茯苓

各一錢

木香

防已

酒拌

大腹皮

紫蘇子

炒

木通

去節

檳榔

青皮

各五分

右薑水煎

附方

大黃左經湯

治四氣乘注足陽明經以致賺腿作痛

或足脛赤腫嘔吐不食大小便秘結或惡食喘急自汗等症

細辛 茯苓 羌活 大黃煨 甘草炙 前胡 枳

殼麩厚朴薑黃芩炒杏仁去皮尖

等分

右每服五錢薑棗水煎

麻黃左經湯 治風寒暑濕乘注足太陽經以致腰足攣痺肢節重痛或增寒發熱自汗惡寒或自汗惡風

頭疼

麻黃 乾葛 細辛 白朮 茯苓 防已

酒桂

心 羌活 甘草

炙

防風

右每服半兩薑棗水煎服

半夏左經湯 治足少陽經為風寒暑濕乘注以致惡

寒發熱腰腿疼痛或頭目眩暈嘔吐不食或熱悶心

煩腿痺不隨

半夏

薑製 乾葛

細辛

白朮

麥門冬

去心

茯苓

桂枝 防風 乾薑

炮

黃芩

炒

小草

甘草

炙

柴

胡

右每服半兩薑棗水煎熱悶加竹瀝喘急加杏仁桑

白皮

六物附子湯 治四氣乘於足太陰經以致骨節煩疼

四肢拘急自汗短氣小便不利或手足浮腫

附子 炮

桂枝

防己

各四錢

甘草

炙二錢

白朮

茯苓

各三錢

右每服半兩薑水煎

換腿丸 治足三陰經為風寒暑濕之氣所乘發為攣痺緩縱或上攻胸背下注脚膝疼痛發熱行步艱辛

薏苡仁 南星 石楠葉 石斛 檳榔 草薺

酒川牛膝 酒浸羌活 防風 木瓜 各四兩 黃芪 炒當

歸天麻 續斷 酒炒各一兩

右為末酒糊丸如桐子大每服五十九鹽湯下

五積散 治風寒所傷以致脚氣疼痛或寒熱拘急嘔

吐不食等症

當歸酒拌芍藥炒川芎炮薑人參茯苓陳

皮桔梗炒厚朴薑白芷炒蒼朮半夏薑肉桂

麻黃甘草炒各五分

右薑棗水煎

當歸拈痛湯 治濕熱為病肢節煩疼肩背沈重胸膈不利或兼遍身作痛足脛腫痛不可忍者或濕熱流注下部瘡瘍赤腫

羌活人參苦參酒製升麻乾葛蒼朮各一錢

甘草炒

黃芩炒

當歸酒炒

茵陳

酒製各五分

防風

知母

酒炒澤瀉

猪苓

白朮

各四分

右水煎服

紫蘇子湯

治脚氣上攻陰陽交錯清濁不分上重下

虛中滿喘急嘔吐自汗無復紀律

紫蘇子

微炒

半夏

薑製

前胡

厚朴

薑製

甘草

炙

當歸

酒拌

各二兩桂心 陳皮

右每服四錢入薑棗煎

還少丹

方見二十三
卷第四論

六味丸

八味丸

二方見二十四
卷第十一論

小柴胡湯

方見二十四
卷第二論

六君子湯

補中益氣湯

二方見二十
四卷第六論

加味逍遙散

方見二十四
卷第四論



薛氏醫案卷二十八

欽定四庫全書

子部

薛氏醫案卷二十九

詳校官太醫院八品吏目_良黃發

編修臣倉聖脈覆勘

總校官原任中允臣王燕緒

校對官助教_臣卜維吉

謄錄監生_臣金特

欽定四庫全書

薛氏醫案卷二十九

明薛己訂

婦人良方

婦人勞瘵各症方論第一

夫骨蒸殭殍復連尸症勞症蟲症毒症熱症冷症食症
鬼症症者注也自上注下與前人相似故曰症其變有
二十二種或三十六種或九十九種令人沈沈默默寒

熱盜汗夢與鬼交遺泄白濁或腹中有塊或腦後兩邊
有結核咳嗽膿血下利羸瘦死而傳症甚至滅門更有
蜚尸遁尸寒尸喪尸尸注謂之五尸人為其症者不自
知所苦雖有狸骨獺肝天靈蓋等方未嘗見効唯崔氏
灸法早用有濟若寒熱自汗面白目乾口苦神昏善恐
不能獨卧傳在肝也若寒熱面黑鼻燥善忘大便秘瀉
口舌生瘡傳在心也若寒熱面青唇黃舌本硬強言語
不出飲食無味羸瘦吐涎傳在脾也若寒熱面赤鼻白

乾燥毛析咯嗽喘急吐涎膿血傳在肺也若寒熱面黃耳焦脚脢痠痛小便白濁遺瀝腹痛傳在腎也

愚按前症誠然有之故葛仙翁用獺肝一具陰乾杵末水下方寸七日三服未愈再作宋宣和間一法師善考訊鬼怪時一婦以疾投狀既而如有鬼祟所附曰非我為患乃病人命自衰爾渠今已成蟲食肺故令吐血聲嘶又屢掠問彼所畏何物云以獺爪為末酒服之則去矣患家如其言得愈獺爪即獺肝之類

歟玄珠云蟲瘵多有兄弟互相傳染甚至絕戶此乃
冤牽相傳及風水所係雖有符文法水下蟲之方然
蟲去而人亦亡若能平素保養亦可免矣竊究濟生
微旨云益氣補肺益精滋腎皆資其化源也蓋人之
精血常不足加之數奪其真資化失常則胃氣不固
精氣滑脫不能上接陽氣故頭重或痛氣弱而食少
元氣下陷脉即微弱外散欲絕而虛洪或見損脉此
實元氣不足之所致非有外感賊邪之病也

附治驗

一婦人素勤苦因喪子飲食少思忽吐血甚多而自止此後每勞則吐數口瘵症已具形體甚倦午前以補中益氣午後以歸脾湯送地黃丸而愈

一女子患前症反其唇視有白點此蟲蝕肺也余云急尋獺肝治之不信果咳膿而歿後聞其兄弟三人皆夭於此症大凡久嗽當視其兩唇若上唇有點蟲蝕上部下唇有點蟲蝕下部

二十四種蒸病論新附

所謂勞蒸者毛折髮焦肌膚甲錯其蒸在皮外熱內寒
身振肉瞶其蒸在肉髮焦鼻衄或復尿血其蒸在血身
熱煩躁痛如針刺其蒸在脉爪甲焦枯眼昏脇痛其蒸
在髓頭眩熱悶涎濁眵淚其蒸在腦男子失精女子白
淫其蒸在玉房乍寒乍熱中脫煩悶其蒸在三焦小便
赤黃凝濁如膏其蒸在膀胱大便秘泄腹中雷鳴其蒸
在小腸大腹隱痛口舌乾疼其蒸在大腸口鼻乾燥腹

脹自汗睡卧不安其蒸在胃口苦耳聾兩脇下痛其蒸
在膽裏急後重肛門秘澁其蒸在廣腸小腹疔痛筋脉
縱緩陰器自強其蒸在宗筋眩暈下淚躁怒不常其蒸
在肝舌黑氣短煩悶灑淅其蒸在心唇乾口瘡胸腹脹
悶畏寒不食其蒸在脾咳嗽喘滿咯痰吐血聲嘶音啞
其蒸在肺耳輪焦枯脚氣酸痛其蒸在腎情想不寧精
物時下其蒸在右腎心膈噎塞攻擊疼痛俛仰煩寃其
蒸在鬲此症蟲多嚙心肺治當絕其根也

愚按醫林集要云前症若蒸肺用天麥門冬桔梗紫
苑烏梅肉若蒸皮石膏桑白皮若蒸氣喘促鼻乾身
熱不安人參黃芩梔子若蒸大腸大黃芒硝若蒸心
黃連生地黃當歸若蒸脉蒸血皆用生地黃當歸童
子小便若蒸小腸赤茯苓木通生地黃若蒸脾芍藥
木瓜苦參若蒸肉芍藥若蒸胃石膏粳米大黃芒硝
乾葛若蒸膽柴胡瓜蒌若蒸三焦石膏竹葉若蒸肝
川芎當歸前胡若蒸筋川芎當歸若蒸腎生地黃石

膏知母寒水石藁本若蒸腦生地黃防風若蒸髓天
門冬當歸生地黃若蒸骨鱉甲地骨皮當歸牡丹皮
生地黃若蒸玉房知母黃栢當歸芍藥若蒸醇澤瀉
茯苓生地黃沈香滑石若蒸膀胱澤瀉滑石凡此諸
蒸熱病食肉與油膩房勞飲酒而成者久蒸不除變
為疔症即死亦有瘡疾久而不愈以致咳嗽失治漸
成骨蒸勞瘵之症當推標本而治之

崔氏灸骨蒸勞瘵用細繩一條男左女右從足大拇指

頭齊量起從腳板底當脚跟中心向後引繩循脚肚貼肉直上至曲脊中橫紋截斷又令患人解髮分兩邊見頭縫自顛門平分至腦後乃平身正坐取前所截繩一頭從鼻端齊引繩向上正循頭縫至腦後貼肉垂下循脊骨引繩向下至繩盡處當脊骨以黑點記

此黑點不是灸穴

別取一繩令患人合口將繩按於口上兩頭至吻却鈞起繩中心至鼻端根下如人字樣齊兩吻截斷將此繩展直於前在脊骨上黑點處取中橫量勿令高下於繩

兩頭以白圈記之

此是灸穴初灸七壯累灸至百壯

此名患門穴初灸

此訖次令其人平身正坐稍縮臂膊取一繩遶項向前

雙垂與鳩尾齊

鳩尾是心岐骨無是岐骨者胸前兩岐骨間量取一寸即是鳩尾也即截

斷却背翻繩頭向項後以繩中停取心正令當喉嚨結

骨上第二次墨點處摺中橫量繩兩頭以白圈記之

此是

灸穴初灸七壯至百壯又將第二次量口繩摺中當脊直上下豎

停中心在第二次墨記上下繩頭盡處以白圈記之

此是

灸穴初灸七壯累灸至百壯此縱橫四方凡四穴是名曰四花穴初

灸各七壯若瘡愈其疾未效依法復灸故云累灸至百

壯

凡灸時可用灸足二里以瀉其火為好

若婦人纏足短小難為量只取

膏肓腧灸之

在第四椎下兩傍各三寸是穴

次灸四花穴道軒用此法

灸之無有不效者

神仙秘法

治夢蟲須先擇良日焚香禱祝令病人面

向福德方服神效

青桑皮

楊柳枝

梅枝

桃枝

俱向東者各七莖

葱白

七莖

阿魏

錢一青蒿

一握如無以子代

真安息香

錢一

右用童便一升半煎一升入阿魏再煮數沸入硃砂
半兩小檳榔半兩麝香五分五更并天明各進一服
下白蟲尚可治以淡粥補之用藥調理三五月再服
以除病根如蟲黑已入腎不可救矣

治心胸痛引兩脇昏悶聲濁熱壅鼻衄或痰喘發熱

桑白皮炒 枳殼麩炒 木通 子芩炒 生地黃 白芍

藥 甘草 各五分

右水煎服

溫金散 治肺嗽惡寒發熱唾痰皮毛焦燥

甘草炒 黃芩炒 桑白皮炒 防風各一兩 杏仁二十七粒製

人參 茯神各五錢 麥門冬三錢

右前五味用米泔浸一宿曬乾入人參等三味每服三錢入蠟一豆大水煎

桔梗飲子 治心氣不足解倦溢血或喘嗽痰甚

桔梗炒 甘草炒 黃芪炒 麥門冬 人參各一錢 青皮

三分

右水煎服

治咽喉痛

百藥煎

去黑皮

鵬砂

甘草

生白礬

等分

右為末每服一二錢食後用米飲調細呷嚥之

含化丸 治肺間邪氣胸中積血作痛失音痰喘

蛤蚧

一雙去足炙

訶子

去核

阿膠

粉炒

麥門冬

去心

細辛

甘

草炙

生地黃

各半兩

右為末蜜丸芡實大食後含化一丸

河車丸 治一切勞瘵虛損骨蒸等疾

紫河車

一具初生男胎者尤良洗淨杵爛本草云
入肉治療病胞衣主勞損面黧皮黑諸疾

瘦

白茯苓

半

人參

一兩

乾山藥

二兩

右為末麵糊和入河車加三末九梧子大每服三五
十九空心米飲下嗽甚五味子湯下

補肺湯 治勞嗽五臟虧損晡熱發熱盜汗自汗唾痰

喘嗽

桑白皮

炒

熟地黃

各一錢

人參

紫苑

黃芪

炒

五

味子炒各五分

右水煎入蜜少許食後服

養正膏 治傳尸出汗取蟲辟邪

鼈甲

一兩醋炒

青蒿

一握

淡豆豉

三七粒

葱白

兩莖

安息香

一分

研桃柳桑枝

各七莖

天靈蓋

用七莖大一片酥炙

桃仁

四十九個去皮

失雙仁

右隔夜以水一升浸至五更煎至半升入童便半升煎取四合調檳榔麝香末各一錢日高時頓服以衣

覆十指汗出如藕絲瀉下如蟲狀甚者旬日再服

阿膠丸 治勞嗽出血咯血發熱晡熱口渴盜汗

阿膠炒 生地黃 卷栢葉 山藥炒 大薊根 五

味子杵炒 雞蘇各一兩 栢子仁 人參 防風 麥門

冬去心各半兩

右為末煉蜜丸彈子大每服一九細嚼麥門冬煎湯

下

四君子湯加秦艽黃蠟水煎服尤妙治勞嗽咯血

神授散 治傳尸蟲用川椒二斤去核并合口者炒為末每服一錢酒糊丸空心米飲下服盡見效

蘇合香丸

治傳尸骨蒸勞瘵疰疢鬼氣心痛

方見三卷第四

論

附方

四君子湯

方見二十四卷第五論

補中益氣湯

方見二十四卷第六論

歸脾湯

方見二十四卷第四論

六味地黄丸

方見二十四卷第十一論

婦人骨蒸勞方論第二

夫骨蒸勞者由積熱附於骨而名也亦曰傳尸殭殢復連無辜其名不一此病皆由脾胃虧損所致其形羸瘦腹脹泄利肢體無力傳於腎則盜汗不止腰膝冷痛夢鬼交侵小便赤黃傳於心則心神忪悸喜怒不時頰唇赤色乍熱乍寒傳於肺則胸滿短氣咳嗽吐痰皮膚甲錯傳於肝則兩目昏暗脇下妨痛閉戶忿怒五臟既病

則難治療

愚按前症多因經行胎產或飲食起居七情而傷肝脾之所致又或失於調攝或過於攻伐而成東垣先生云發熱之症肺熱者輕手乃得微按全無日西猶甚乃皮毛之熱其症喘嗽寒熱輕者用瀉白散重者涼膈散白虎湯地骨皮散心熱者微按之皮膚之下肌肉之上輕手乃得微按至皮毛則熱少加力按之則全不熱是熱在血脉也日中太甚其症煩心心痛

掌中熱而噦用黃連瀉心湯導赤散硃砂安神丸脾
熱者輕手捫之不熱重手按至筋骨又不熱不輕不
重在輕重之間此熱在肌肉遇夜尤其其症怠惰嗜
卧四肢不收無氣以動用瀉黃散肝熱者按之肌肉
之下至骨之上寅卯時尤其甚四肢滿悶便難轉筋多
怒多驚筋痿不能起於床用瀉青丸柴胡飲腎熱者
輕手重按俱不熱加重手按之骨分其熱蒸手如火
其症骨蒸如蟲蝕困熱不能起於床用滋腎丸此治

實熱之法也竊謂肺經虛熱者用人參補肺湯脾氣
虛而不能生肺者用六君子湯脾熱遺於肺者用三
黃丸心經虛熱者用補心湯命門火衰不能生土者
用八味丸肝虛不能生心者用補肝散腎尅心者用
附子理中湯脾經虛熱者用人參黃芪散土尅水者
用承氣湯脾不能培肝者用六君子湯元氣下陷及
金不能生水者俱用補中益氣湯肺尅肝及腎經虛
熱與腎不能生肝者俱用六味丸

附治驗

一婦人發熱晡熱盜汗自汗殊畏風寒飲食少思或
腹脹吞酸或大便不實此脾胃不足諸經虧損朝用
補中益氣夕用八珍湯倍用參苓白朮各二十餘劑
諸症漸愈因傷母哀傷患盜汗便血用加味歸脾湯
數劑而止仍用前二藥又五十餘劑尋愈月經兩月
而至適因怒去血過多發熱作渴肢體酸倦頭目暈
痛用逍遙散加味歸脾湯二藥調補而痊

一婦人盜汗自汗遍身酸疼五心發熱夜間益甚或咳嗽咽乾或盜汗自汗月經兩三月一至用加味道遙散六味地黃丸兼服臨卧又服陳木丸三月餘諸症悉愈其經乃兩月一至又服兩月而痊

陳木丸即陳皮白朮

為丸

一婦人患前症食少倦怠肌肉消瘦日晡發熱至夜益甚月水過期漸至不通時發渴躁誤用通經之劑熱倦愈重飲食愈少余用八珍湯加升麻丹皮山梔

柴胡治之熱漸退又用八珍丹皮軟柴胡調理而愈
一婦人飲食少思胸膈不利或胸中作痛或大便作
瀉或小便不利用逍遙散加山梔茯神遠志木香而
愈後因怒寒熱往來倦怠煩熱以前藥加炒黑黃連
三分頓愈用八珍湯調理而愈後因怒吐血躁渴用
人參五錢苓朮當歸各三錢陳皮甘草各一錢治之
而愈

一婦人胸脇作痛內熱晡熱月經不調余謂鬱怒傷

損肝脾朝用歸脾湯以解鬱結生脾氣夕用加味道
遙散以生肝血清肝火半載而愈後因飲食失調兼
有怒氣月經如注脉浮洪而數用六君子加芎歸炮
薑一劑而血止用補中益氣加炮薑茯苓半夏治之
而元氣復又用歸脾湯逍遙散調理而康

一婦人內熱口乾頭暈吐痰帶下體倦飲食少思余
謂脾氣虛弱而不能生肺金用補中益氣湯加茯苓
半夏脾氣漸復飲食漸進諸症漸退再用加味道遙

散治之尋愈

一婦人腹脹脇痛內熱晡熱月經不調不時吐痰或
用化痰行氣之劑胸膈不利余謂脾氣鬱結肝經血
虛朝用歸脾湯夕用加味逍遙散百餘劑而諸症漸
愈又因飲食停滯或用峻厲之劑口乾體倦余用七
味白朮散補中益氣加茯苓半夏中氣漸愈又以補
中益氣及八珍湯兼服而痊

一婦人患前症將愈因怒胸膈不利飲食少思服消

導利氣之藥大便下血余曰此脾氣復損不能攝血
歸源用補中益氣加茯苓半夏炮薑血止用八珍加
柴胡炒梔熱退用八珍湯逍遙散而痊

一婦人肌體倦瘦口乾內熱盜汗如洗日晡熱甚用
參芪歸朮茯神遠志棗仁麥門五味丹皮龍眼肉炙
草柴胡升麻治之獲痊後因喪子懷抱不舒腹脹少
寐飲食少思痰涎上湧月經頻數余謂鬱悶傷脾不
能攝血制涎歸源耳用補中益氣濟生歸脾漸愈又

用八珍湯調理而痊

一婦人發熱口乾月經不調肢體無力腿痛體倦二
膝浮腫余作足三陰經血虛用六味丸逍遙散兼服
兩月形體漸健飲食漸進膝腫漸消而痊

一婦人日晡熱甚月水不調飲食少思大便不實胸
膈痞滿頭目不清肢體倦怠發熱煩躁余謂七情肝
脾虧損之症用濟生歸脾湯加味逍遙散補中益氣
湯調治元氣漸復而愈

一婦人月經不調晡熱內熱飲食少思肌體消瘦小便頻數或用清熱生血之劑月經不行四肢浮腫小便淋瀝余朝用金匱加減腎氣丸夕用歸脾湯漸愈又用八珍湯兩月而愈

一婦人胸脇膨滿小腹悶墜內熱晡熱飲食不甘體倦面黃日晡則赤灑淅惡寒此脾肺氣虛先用六君子加川芎當歸諸症漸愈又用補中益氣加茯苓半夏諸症全愈後飲食失節勞怒惡寒發熱不食用加

味小柴胡二劑而熱退用逍遙散歸脾湯調理而康

天靈蓋散 治骨蒸四肢無力晡熱頰赤食少心煩

天靈蓋

酥炙

安息香

地骨皮

當歸

山梔仁

人參

貝母

去心

黃芪

桃仁

去皮尖雙仁麩炒黃

檳榔

各一兩

鼈甲

醋炙

柴胡

生地黄

赤茯苓

麥門冬

阿

魏

右每服五錢桃柳枝各七寸薑五片葱白五寸童便

煎

愚按醫學綱目云柴胡本經並無一字治勞熱今治
勞方鮮有不用者誤世多矣凡此症乃真臟虧損而
虛熱王海藏先生云苟無實熱而用柴胡不死何待
蓋柴胡乃肝膽之藥雖能升胃氣下陷每劑不過分
許而可多用哉產後氣血虛熱尤宜禁忌

獺肝丸 治骨蒸勞熱或潮熱發熱體瘦煩疼不欲飲
食

獺肝 一
具 鼈甲

醋炙

柴胡

各一兩半

硃砂

另研桃仁

去皮尖雙仁麩炒黃

升麻 天靈蓋炙 犀角 鎊 梔子仁炒 地骨皮 知

母各一兩 黃芪炒 甘草炒 麝香一錢

五錢 研

右為末煉蜜丸桐子大每服三十九空心食前滾水

下

黃芪丸 治骨蒸煩熱肢羸作痛口乾心躁睡卧不寧
等症

黃芪炒 麥門冬去心 茯神 柴胡 生地黃 甘草

炒各一兩 酸棗仁炒 郁李仁去皮 杏仁去皮 枸杞子

尖 炒

人參

黃芩

炒各三錢

鼈甲

二兩製

右為末蜜丸桐子大每服三十九食遠清粥飲下

熬鬼丸

治骨蒸傳尸鬼氣伏連

麝香

三分

犀角

鎊

木香

各一兩

白朮

鬼箭羽

桃仁

去皮去雙仁麩炒黃

辰砂

另研

虎頭骨

酥炙

雄黃

各一兩五錢

右為末蜜丸桐子大溫水下二十九此藥能辟瘟疾

可佩之

地仙散

治骨蒸肌熱煩燥勞熱口乾能生津液而清

肺火

地骨皮

麥門冬

防風

各五分

甘草

炒三分

右薑水煎服

十全大補湯

治氣血虛熱加柴胡地骨皮秦艽

秦艽散

治五心煩熱頰赤

逍遙散

治血虛五心煩熱肢體疼痛頭目昏重心忪

頰赤口燥咽乾發熱盜汗減食嗜卧月水不調臍腹

脹痛寒熱如瘧痰嗽潮熱肌體羸瘦漸成骨蒸

方見二十

四卷第
四論

枳殼散 治婦人手足煩熱盜汗肌痺經候不調煩倦

心胃滿悶狀如勞氣

枳殼

去穢麩
炒二兩

半夏麩

赤芍藥

各一兩

柴胡

黃芩

炒各一
兩五錢

右為末每服三錢薑棗水煎服

華陀解勞生肌進食活血養心石膏每服水和錢許甚

驗

青蒿散 治體倦虛疼勞熱九月採青蒿去梗用童子
小便浸三日曬為末每服二錢烏梅一個煎湯調服
清心蓮子飲參蘇飲加黃芩麥門冬並治五心煩熱手
足熱甚

附方

加味小柴胡湯

方見二十四
卷第二論

柴胡飲 治肌熱積熱或汗後餘熱脉洪實弦數

柴胡 人參 黃芩 芍藥 甘草 當歸 大

黃

煨各二錢五分

右薑水煎服

瀉白散

治肺臟氣實心胸壅悶咳嗽煩喘大便不利

桔梗炒地骨皮

甘草炙

瓜蒌仁

升麻

半夏

薑製

桑白皮

炒

杏仁

去皮尖等分

右每服四錢薑水煎

導赤散

治心虛蘊熱小便赤澀或成淋瀝口舌生瘡

等症

生地黃 木通 甘草 等分

右每服三錢竹葉水煎

瀉黃散 治脾熱口臭咽乾或口舌生瘡發熱作渴

石膏 山梔子炒 防風 甘草 藿香 等分

右每服三錢水煎

涼膈散 治上焦積熱煩躁作渴頭目昏瞶咽喉腫痛

便溺赤澁語言謔妄等症

大黃煨 朴硝 甘草 各二兩 連翹 四兩 梔子仁 炒 黃芩

炒薄荷葉 各一兩

右為末每服二三錢竹葉七片水煎溫服

白虎湯

治胃熱作渴暑熱尤效又治熱厥腹滿身難

轉側面垢譫語遺溺手足厥冷自汗脉沈滑大便泄

清水無度

知母

石膏

各二錢

粳米

半合

右水煎服

附子理中湯

治脾胃虛寒手足厥冷飲食不入或腹

鳴切痛嘔逆吐瀉

方見二十一卷第八論

硃砂安神丸

方見三卷第十論

地骨皮散

方見六卷第三論

黃連瀉心湯用一味黃連為末每服二錢以白湯調下

瀉青丸

方見二十四卷第三論

承氣湯

方見前

滋腎丸

方見八卷第一論

人參補肺湯

方見二十四卷第十二論

補中益氣湯

六君子湯

二方見二十四卷第六論

三黃丸

方見八卷第八論

補心湯

方見前

六味丸

八味丸

二方見二十四卷第十一論

補肝散

方見七卷第十七論

人參黃芪散

方見十三卷第十論

加味歸脾湯

八珍湯

加味逍遙散

逍遙散

歸脾湯

五方見二十四卷第四論

七味白朮散

方見二十一卷第二論

金匱加減腎氣丸

方見二十一卷第十論

婦人血風勞氣方論第三

婦人血風勞症因氣血素虛或產後勞傷外邪所乘或
內有宿冷以致腹中疼痛四肢酸倦發熱自汗月水不
調面黃肌瘦當調補肝脾氣血為主

愚按東垣云喜怒不等起居不時有所勞傷皆損其
氣氣衰則火旺火旺則乘其脾土脾主四肢故困熱
懶言動作喘乏表熱自汗心煩不安當病之時宜安
心靜坐存養其氣以甘寒瀉其熱氣以酸味收其散
氣以甘溫補其倦氣經曰勞者溫之損者溫之要畧

云平人脉大為勞以黃芪建中湯治之

附治驗

一婦人勞則足跟熱痛余以為足三陰血虛用聖愈湯而痊後遍身搔痒誤服風藥發熱抽搐肝脉洪數此肝家血虛火盛而生風以天竺膽星為丸用四物麥門五味芩連炙草山梔柴胡煎送而愈

一婦人素清苦勤於女工因感風邪自用表散之劑反朝寒暮熱自汗盜汗形氣虛甚其脉或浮洪或微

細其面或青白或痿黃此邪去而氣血愈虛也用十全大補湯三十餘劑漸愈又用加味逍遙散兼治半載而痊

人參荆芥散 治遍身疼痛頭昏目澁心忪煩倦寒熱

盜汗頰赤口乾痰嗽胸滿月水不調腹痛癰塊

荆芥 人參 生地黃 柴胡 鼈甲醋 酸棗仁

炒 枳殼麩 羚羊角鎊 白朮各七分 川芎 當歸酒 桂

心 防風 甘草各五分

右薑水煎日二服

地黃煎 治血虛心忪發熱

生地黃

熟地黃

自製
等分

右用薑汁和水拌杵丸桐子大每服五十九空心白湯下日三服若臟腑虛空早間先服八味丸一服

愚按前方肝脾血虛發熱內熱晡熱盜汗作渴體倦筋骨疼痛筋脉拘攣血虛發躁虛熱生痰咳嗽之良劑若因肝脾腎精血燥熱生痰胸膈痞滿喘咳作渴

及一切虛火症必用六味丸為主

乞力伽散 治血虛肌熱或早虛蒸熱或內熱寒熱

白朮 白茯苓

白芍藥

炒各一錢 甘草 炒五分

右薑棗水煎

附方

黃芪建中湯

方見二十四卷第四論

聖愈湯

方見二十四卷第九論

四物湯

方見二十四卷第六論

六味丸

加味逍遙散

二方見二十四卷第四論

六君子湯

補中益氣湯

二方見二十四卷第六論

歸脾湯

十全大補湯

二方見二十四卷第四論

人參養榮湯

方見二十四卷第二論

八味丸

方見二十四卷第十一論

婦人冷勞方論第五

婦人冷勞屬血氣不足臟腑虛寒以致臍下冷痛手足時寒月經失常飲食不消或時嘔吐惡寒發熱骨節痠疼肌膚羸瘦面色痿黃也

愚按前症有內外真寒然有內外真熱亦有內真熱而外假寒者又有內真寒而外假熱者若飲食難化大便不實腸鳴腹痛飲食畏寒手足逆冷面黃嘔吐畏見風寒此內外真寒之症也宜用附子理中湯以

回陽八味地黄丸以壯火若飲食如常大便堅實胸
腹痞脹飲食喜冷手足煩熱面赤嘔吐不畏風寒此
內外真熱之症也宜用黃連解毒湯以消陰六味丸
以壯水若飲食如常大便堅實胸腹痞脹飲食喜寒
手足逆冷面黃嘔吐畏見風寒此內真熱而外假寒
也亦用解毒湯六味丸若飲食少思大便不實吞酸
噎氣胸腹痞滿手足逆冷面赤嘔吐畏見風寒此內
真寒而外假熱也亦用附子理中湯與八味丸當求

其屬而治之經曰益火之源以消陰翳壯水之主以制陽光使不知真水火之不足泛以寒熱藥治之則舊疾不去新病復生矣夫所謂屬者猶主也謂心腎也求其屬也者言水火不足而求之於心腎也火之源者陽氣之根即心是也水之主者陰氣之根即腎是也非謂火為心原為肝水為腎主為肺也大抵寒亦抑心熱亦強腎在治者審之

附治驗方藥

一婦人食少作嘔口吐痰涎面黃腹痛月經不調手足逆冷余謂此內外俱寒之症遂以六君加附子木香治之而愈

先太宜人忽嘔吐酸水內熱作渴飲食不進惟喜冷水面色青赤投之以藥入口即吐此內外真熱之症積十餘日以黃連一味煎湯飲之徐加白朮茯苓仍加陳皮當歸炙草至月餘始進米飲稀粥調理而愈一婦人內熱作渴大便秘結畏惡風寒手足逆冷余

以為內真熱而外假寒先用黃連解毒湯後用六味丸而愈

大方室趙氏初患痰喘熱渴醫以降火散氣治之肌日削而氣日索延至甲辰木旺痰盛身熱口腐腹脹神昏絕食幾死先生診之云此乃虛熱無火投以壯水生土之劑隨服隨效得不死竊喜久安忽值戊申夏初坐則頭墜不能起視卧則背冷覺風透體煩熱暈眩咳嘔痰湧手足麻冷病勢危殆自分必死得

先生枉診之曰此內真寒外假熱之症也遂以大補薑附之劑飲之不三四服而大勢已平仍以前藥加減而愈則其他以有餘之火治之無怪乎其展轉增劇也微先生則山妻不死於甲辰之春難免於戊申之夏矣大方感慨不已援筆備述求附卷末庶幾醫者之不昧病者之得全先生之惠垂諸無窮豈一世一人之幸哉長洲沈大方頓首拜書

八味丸

六味丸

二方見二十四
卷第十一論

附子理中湯

方見二十
卷第八論

黃連解毒湯

方見六卷
第十一論

六君子湯

方見二十四
卷第六論



薛氏醫案卷二十九